



REPUBLIKA E SHQIPËRISË
KËSHILLI I LARTË I PROKURORISË

Nr. 1849/Prot.

Tiranë, më 28.07.2025

VENDIM

Nr. 174, Datë 16.07.2025

“PËR PËRFUNDIMIN E PROCEDURËS SË VERIFIKIMIT TË PASURISË DHE FIGURËS SË KANDIDATES PËR MAGJISTRAT PROKUROR, E CILA ËSHTË DIPLOMUAR NË SHKOLLËN E MAGJISTRATURËS NË VITIN AKADEMIK 2024 - 2025, ZNJ. ANISA GIU”

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar
5. Arta MANDRO	Anëtar
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar
9. Olger EMINAJ	Anëtar
10. Erind MERKURI	Anëtar
11. Erion FEJZULLA	Anëtar

në mbledhjen plenare të datës 16.07.2025, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

“Për përfundimin e procedurës së verifikimit të pasurisë dhe figurës së kandidatës për magjistrat prokuror, e cila është diplomuar në Shkollën e Magjistraturës në vitin akademik 2024 - 2025, znj. Anisa Giu”

KËSHILLI I LARTË I PROKURORISË:



Pasi mori në shqyrtim Relacionin shoqërues nr. 1949, datë 10.07.2025, të Komisionit të Vlerësimit të Veprimtarisë Etike dhe Profesionale, pasi dëgjoi relatorin Moisi Duda si dhe diskutimet e zhvilluara në mbledhje plenare mbi çështjen,

V Ë R E N:

1. Këshilli i Lartë i Prokurorisë *(në vijim, Këshilli)* garanton pavarësinë, llogaridhënien, disiplinën, statusin dhe karrierën e prokurorëve.
2. Nga Shkresa nr. 73 prot, datë. 14.01.2025, protokolluar me tonën nr.79, datë 14.01.2025 me objekt *"Lista e kandidatëve për magjistratë (profili prokuror), të cilët mund të diplomohen për vitin akademik 2024-2025"*, e ardhur nga Shkolla e Magjistraturës, rezulton se në përfundim të programit të Formimit Fillestar në vitin akademik 2024-2025 është parashikuar të diplomohen 26 (njëzetë e gjashtë) kandidatë për magjistratë prokurorë, ku një nga kandidatet rezulton të jetë znj. Anisa Giu.
3. Me Vendimin Nr. 24, datë. 13.02.2025, *"Për fillimin e procedurave të verifikimit të pasurisë dhe figurës për magjistratë prokurorë, të cilët do të diplomohen nga Shkolla e Magjistraturës në vitin 2025"*, Këshilli ka filluar procedurën administrative për verifikimin e pasurisë dhe figurës për 26 (njëzetë e gjashtë) kandidatë prokurorë të cilët do të diplomohen nga Shkolla e Magjistraturës, në vitin 2025.
4. Me Vendimin Nr. 25, datë. 13.02.2025, *"Për hedhjen e shortit për caktimin e relatorit për verifikimin e pasurisë dhe figurës për kandidatët për magjistratë prokurorë, të cilët do të diplomohen nga Shkolla e Magjistraturës, në vitin akademik 2025"*, Këshilli zhvilloi procedurën e hedhjes së shortit për caktimin e relatorin për secilin kandidat.

Pas hedhjes së shortit rezultoi se Relator për kryerjen e procedurës së verifikimit të pasurisë dhe figurës për kandidaten Anisa Giu u zgjodh Anëtari i Këshillit dhe njëkohësisht Kryetar i Komisionit të Vlerësimit të Veprimtarisë Etike dhe Profesionale, z. Moisi Duda.

5. Në zbatim të Pikës 1, të Seksionit A, të Kreut VI, të Rregullores, në rrugë elektronike *(me e-mail)* me datë 18.02.2025, Relatori ka njoftuar kandidaten për fillimin e procedurës së verifikimit, si dhe për të drejtën për të kërkuar përjashtimin e relatorit, apo ndonjë anëtari të Këshillit, në rast të ekzistencës së një situatë konflikti interesi.
6. Me e-mailin e datës 19.02.2025, znj. Anisa Giu ka deklaruar nëpërmjet postës elektronike se është njohur me fillimin e procedurës së verifikimit të pasurisë dhe figurës në cilësinë e kandidates për magjistrat prokuror, e cila do të diplomohet nga shkolla e magjistraturës në vitin 2025, duke deklaruar se nuk ka ndonjë situatë konflikti interesi me relatorin që është caktuar përmes procedurës së shortit në Këshill.
7. Njëkohësisht me e-mailin e datës 21.02.2025, kandidates i janë dërguar formularët përkatës sipas kërkesave të ligjit duke i kërkuar plotësimin dhe dorëzimin e tyre së

bashku me Autorizimet për verifikim pranë çdo personi fizik ose juridik, publik ose privat, brenda dhe jashtë territorit të Shqipërisë, të të dhënave personale që lidhen me verifikimin e figurës dhe pasurisë si dhe përpunimin e këtyre të dhënave kudo ku ato janë të regjistruara nga Këshilli i Lartë i Prokurorisë.

8. Në datë 24.02.2025, protokolluar me nr. 340, kandidatja Anisa Gju ka depozituar pranë Këshillit të Lartë të Prokurorisë si më poshtë:

- i. *Autorizimi për Këshillit të Lartë të Prokurorisë me qëllim sigurimin dhe verifikimin e të dhënave personale;*
- ii. *Deklaratë me të dhënat mbi adresën postare, adresën elektronike dhe kontaktet telefonike për njoftim gjatë kësaj procedure;*
- iii. *Deklaratë mbi papajtueshmërinë me funksionin e magjistratit për shkak të anëtarësisë në parti politike;*
- iv. *Deklaratë Individuale që kandidati nuk është bashkëpunëtor, informator ose agjent i shërbimeve sekrete;*
- v. *Formular Vetëdeklarimi për zbatimin e Ligjit 138/2015 "Për garantimin e integritetit të personave që zgjidhen, emërohen ose ushtrojnë funksione publike";*

9. Në mbështetje të nenit 35, të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, gurmës "b", të Kreut II, dhe Seksionit B, të Kreut VI, të Rregullores, nga ana e Relatorit janë ndjekur veprimet procedurale për verifikimin e pasurisë dhe figurës të kandidates Anisa Gju.

A. VERIFIKIMI I PASURISË SË KANDIDATIT

10. Me shkresën nr. Prot., 564 Prot, datë 06.03.2025, Këshilli i është drejtuar Inspektoratit të Lartë të Deklarimit dhe Kontrollit të Pasurive dhe Konfliktit të Interesave (ILDKPKI), për verifikimin e pasurisë për kandidaten për magjistrat znj. Anisa Gju, e cila do të diplomohet në Shkollën e Magjistraturës në vitin 2025.

11. Nga ana e këtij institucioni, është kthyer përgjigja me Shkresën nr. 78/23 Prot, datë 02.07.2025. ILDKPKI ka paraqitur aktin e përfundimit të kontrollit të plotë të Deklaratës së pasurisë dhe interesave private të kandidatit për pozicione të ndryshme në sistemin e drejtësisë, për kandidaten për magjistrat, e cila do të diplomohet në Shkollën e Magjistraturës, znj. Anisa Gju.

- Në këtë akt përfundimtar për subjektin deklarues znj. Anisa Gju theksohet se, nga ILDKPKI është dërguar pranë Këshillit, Akti i kontrollit të plotë për Deklaratën e Pasurisë dhe Interesave Private të kandidatit për pozicione të ndryshme në institucionet e sistemit të drejtësisë/për formimin fillestar në Shkollën e Magjistraturës me nr. Prot., 805/25 Prot., datë 11.10.2022 dhe nr.805/26, datë 10.01.2023, sipas të cilit:

a) *deklarimi nuk është i saktë në përputhje me ligjin;*

- 
- b) ka mungesë dokumentacioni i pjesshëm ligjor për të justifikuar burimin e krijimit të pasurisë;
 - c) nuk ka kryer fshehje të pasurisë;
 - ç) nuk ka kryer deklarim të rremë;
 - d) subjekti nuk gjendet në situatën e konfliktit të interesave.

Ky Akt Kontrolli përfshin periudhën deri në datë 29.06.2022.

12. Me vendimin Nr. 333, datë 27.10.2023, Këshilli vendosi për "Përfundimin e procedurës së verifikimit të pasurisë dhe figurës të kandidates për Programin e Formimit Fillestar të Shkollës së Magjistraturës në vitin akademik 2023-2024, znj. Anisa Gju dhe lejin e kandidates për t'u pranuar në Programin e Formimit Fillestar të Shkollës së Magjistraturës".
13. Në përgjigje të kërkesës së Këshillit, Agjencia e Inteligjencës Financiare (AIF) në datë 21.04.2025 ka informuar se: ***"Pas kërkimeve në sistemin elektronik, për kandidaten znj. Anisa Gju nuk disponohen të dhëna për transaksione apo pasuri të dyshimta. Nuk rezultuan raportime."***
14. Në përgjigje të kërkesës së Këshillit, me shkresën nr. Prot., 5671/1 Prot, datë 04.04.2025, të Drejtorisë së Përgjithshme të Tatimeve informohet se: ***"Shtetasja Anisa Gju figuron e regjistruar në organet tatimore për ushtrim aktiviteti privat si person fizik me Nipt L71420014K për ushtrim aktiviteti "Avokate". Aktualisht kjo tatimpaguese rezulton në sistemin tatimor me statusin "Kërkesë për Çregjistrim" në datë 21.10.2022. Bazuar në deklaratat vjetore mbi fitimin të dorëzuara elektronikisht për periudhën 2017-2022, rezulton që tatim paguesi nuk ka dorëzuar pasqyra Financiare. "***
15. Në përgjigje të kërkesës së Këshillit, me shkresën nr. prot 5124/1 Prot, datë 25.03.2025, Drejtoria e Përgjithshme e Doganave ka informuar se, nga verifikimet e kryera në sistemin elektronik të administrimit të të dhënave "Asycuda World" ka rezultuar që, shtetasja znj. Anisa Gju ***"nuk ka kryer ndonjë veprim doganor import-eksporti. Gjithashtu, nuk rezultojnë deklarime të bëra për para CASH, çek, apo metale a sende të çmuara në pikat e kalimit kufitar doganor për periudhën Mars 2004 deri më 02 Mars 2025"***.
16. Në përgjigje të kërkesës së Këshillit, me shkresën nr. 3158 prot, datë 20.03.2025 të ISSH, është dërguar informacion i cili përmban të dhëna për kontributet të cilat mbledhen dhe dërgohen nga Drejtoria e Përgjithshme e Tatimeve nëpërmjet Webservice sipas formularit standard përkatës (formulari përmban të dhëna për pagën dhe derdhjen e kontributit të sigurimeve shëndetësore e cila rezulton të jetë realizuar për periudhën **Qershor 2022 - Tetor 2023**).
17. Në përgjigje të kërkesës së Këshillit, me Shkresën nr. Prot., 5253/1 prot, datë 13.03.2025 të QKB, është dërguar informacion se: ***"Shtetasja Anisa Gju figuron e***



regjistruar pranë regjistrit tregtar për ushtrim aktiviteti privat si person fizik me Nipt L71420014K. Statusi i subjektit është “Çregjistruar”. Gjithashtu rezulton që shtetasja Anisa Giu të mos jetë pajisur me leje/licenca.

18. Nga përgjigjet e ardhura nga këto institucione është arritur në përfundimin se, ka rezultuar përputhshmëri mes deklarimeve të kandidatit të kontrolluar, Aktit të përgatitur nga ILDKPKI-ja si dhe përgjigjeve të ardhura nga institucionet e mësipërme. Në këtë mënyrë, është konkluduar se, nuk ka nevojë të kryhet hetim më i thelluar se ai i kryer nga ILDKPKI-ja.

B. VERIFIKIMI I FIGURËS SË KANDIDATIT

19. Mbi bazën e Formularit të Vetëdeklarimit për zbatimin e Ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, kandidatja Anisa Giu rezulton se:

-nuk ka qenë e dënuar ndonjëherë me vendim gjyqësor të formës së prerë nga ndonjë autoritet gjyqësor shqiptar ose i huaj;

-nuk është e dënuar me burgim me vendim gjyqësor jo përfundimtar nga një autoritet gjyqësor shqiptar ose i huaj, për një çështje penale të pazgjidhur me vendim gjyqësor të formës së prerë;

- nuk ka qenë ndonjëherë nën hetim ose gjykim nga një autoritet i huaj për kryerjen e një vepre penale;

nuk është e dënuar me burgim me vendim gjyqësor jo përfundimtar nga një autoritet gjyqësor shqiptar ose i huaj, për një çështje penale të pazgjidhur me vendim gjyqësor të formës së prerë;

- nuk ka qenë ndonjëherë nën hetim ose gjykim nga një autoritet i huaj për kryerjen e një vepre penale;

-nuk ka qenë e ndaluar apo arrestuar nga organet ligjzbatuese, për kryerjen e një vepre penale;

-nuk është caktuar ndaj saj ndonjëherë masë shtrënguese e sigurisë personale, në fuqi ose jo;

-nuk është lëshuar ndonjëherë ndaj saj një urdhër kërkimi ndërkombëtar lidhur me kryerjen e veprave penale;

- nuk është marrë ndaj saj masa e dëbimit nga një shtet i huaj;

- ka jetuar jashtë territorit të Republikës së Shqipërisë për më shumë se 1 (një) muaj për punë dhe studim të gjuhës Gjermane në periudhën Shkurt 2009-Maj 2009.

20. Në përgjigje të kërkesës së Këshillit, me shkresën nr. 406/3 Prot, datë 20.03.2025, Prokuroria e Përgjithshme ka informuar si më poshtë:

“Nga verifikimet në sektorin e protokoll arkivit sekret rezultoi se në emër të shtetasës Anisa Giu *“nuk disponohen të dhëna apo indicje që cenojnë figurën e kandidatës. Gjithashtu rezultoi se nuk ka çështje penale, kallëzim apo ankesa ndaj saj”*.

21. Në përgjigje të kërkesës së Këshillit, me Shkresën nr. 9832 Prot. (DB), datë 20.03.2025, Prokuroria e Posaçme Kundër Korrupsionit dhe Krimin të Organizuar, në përgjigje të shkresës nr. 569 Prot, datë 06.03.2025 të KLP-së, konfirmon se pas

verifikimeve të kryera në regjistrin e njoftimit të veprave penale të kësaj prokurorie, ***“nuk rezulton të jetë regjistruar ndonjë procedim penal në emër të shtetases Anisa Giu, për periudhën 28.06.2022 deri aktualisht”***.

22. Në përgjigje të kërkesës së Këshillit, me Shkresën nr. 415/1 Prot, datë 28.03.2025, Byroja Kombëtare e Hetimit bën me dije se, nga verifikimet e kryera nuk disponon informacion dhe të dhëna mbi kandidaten për prokurore, znj. Anisa Giu.
23. Në përgjigje të kërkesës së Këshillit, Prokuroritë pranë Gjykatave të Shkallës së Parë të Juridiksionit të Përgjithshëm, Berat, Gjirokastrë, Dibër, Tiranë, Durrës, Korçë, Fier, Elbasan, Vlorë, Shkodër, Lezhë, Kukës, Sarandë informojnë se, ***“Për shtetasen Anisa Giu nuk disponojnë të dhëna, apo indicje të ardhura nga agjencitë ligjzbatuese, të dhëna për kontakte me persona të papërshtatshëm, apo materiale kallëzuese të mosfilluara, procedime penale të pushuara, pezulluara apo të dërguara për gjykim”***.
24. Në përgjigje të kërkesës së Këshillit, Gjykata e Apelit e Juridiksionit të Përgjithshëm me shkresën nr.5770/1, datë 17.03.2025 dhe Gjykatat e Shkallës së Parë të Juridiksionit të Përgjithshëm Berat, Gjirokastrë, Dibër, Tiranë, Durrës, Korçë, Fier, Elbasan, Vlorë, Shkodër, Lezhë, Kukës, Sarandë, në përgjigjet e tyre në mënyrë të përmbledhur informojnë se: ***“Për shtetasen Anisa Giu nuk rezultojnë çështje penale/civile, urdhër mbrojtje ose urdhër mbrojtje të menjëhershëm”***.
25. Në përgjigje të kërkesës së Këshillit, Gjykata e Posaçme e Apelit për Korrupsionin dhe Krimin e Organizuar me shkresën nr. 476/1, datë 17.03.2025 dhe Gjykatat e Posaçme e Shkallës së Parë për Korrupsionin dhe Krimin e Organizuar me shkresën nr. 1073/1 Prot, datë 01.04.2025, informojnë se: ***“Për shtetasen Anisa Giu nuk rezulton që të ketë procese gjyqësore penale ose të jetë dhënë ndonjë vendim penal në ngarkim nga këto gjykata”***.

➤ **Raportimi nga organet e specializuara**

26. Gjatë procedurës së verifikimit të figurës për kandidaten Anisa Giu iu kërkuar informacion institucioneve të shërbimeve shtetërore informative si, Shërbimit Informativ Shtetëror, Agjencisë së Mbikëqyrjes Policore pranë Ministrisë së Brendshme, Agjencisë së Inteligjencës dhe Sigurisë së Mbrojtjes pranë Ministrisë së Mbrojtjes dhe Autoritetit Kombëtar për Sigurinë e Informacionit të Klasifikuar.
27. Me shkresat e dërguara nga Shërbimi Informativ Shtetëror, Agjencia e Mbikëqyrjes Policore pranë Ministrisë së Brendshme, Agjencia e Inteligjencës dhe Sigurisë së Mbrojtjes, pranë Ministrisë së Mbrojtjes dhe Autoritetit Kombëtar për Sigurinë e Informacionit të Klasifikuar, informohet se, për kandidaten Anisa Giu,

- ***Nuk disponohen të dhëna për përfshirje në veprimtari të kundërligjshme,***

- 
- *Nuk ka të dhëna për veprimtari kriminale apo të ketë lidhje/kontakte të papërshtatshme me persona të përfshirë në krimin e organizuar,*
 - *Nuk disponohen të dhëna/informacione për përfshirjen e tij në veprimtari që cenojnë sigurinë kombëtare apo aktivitete të kundërligjshme.*

28. Referuar Deklaratës së datë 24.02.2025, mbi papajtueshmërinë me funksionin e magjistratit për shkak të anëtarësisë në parti politike, kandidatja znj. Anisa Giu ka deklaruar se, nuk është anëtar në ndonjë parti politike, pasi kjo përbën shkak papajtueshmërie me funksionin e magjistratit. Kjo deklaratë është lëshuar me përgjegjësi ligjore sipas nenit 6, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar.
29. Në përgjigje të kërkesës së Këshillit, me Shkresën nr. 425/1 Prot, datë 21.03.2025, Shkolla e Magjistraturës informon se, ndaj kandidates për magjistrate Anisa Giu ***”nuk ka masë disiplinore në fuqi dhe ndaj saj nuk ka ndonjë proces disiplinor”***.
30. Relacioni me gjetjet paraprake është miratuar në Komisionin e Vlerësimit të Veprimtarisë Etike dhe Profesionale dhe iu komunikua elektronikisht kandidates Anisa Giu. Në e-mail-in e datës 09.09.2025, kandidatja ka konfirmuar dhe dakortësuar përmbajtjen këtij relacioni.
31. Përsa më sipër, Këshilli vlerëson të përfunduar procedurën e verifikimit të pasurisë dhe figurës së kandidates për magjistrat prokuror, e cila është diplomuar në Shkollën e Magjistraturës në vitin akademik 2024-2025, znj. Anisa Giu.

PËR KËTO ARSYE:

Mbështetur në nenin 149/a, pika 1, germa “a”, të Kushtetutës, në nenet 32 dhe 35, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, në nenet 159 dhe 189 pika 1, germa “a”, të Ligjit nr. 115/2016 “Për organet e qeverisjes së sistemit të drejtësisë”, i ndryshuar, në Vendimin nr. 171, datë 29.09.2019, “Për miratimin e “Rregullores për procedurën e verifikimit të kushteve dhe kritereve ligjore për rekrutimin, emërimin si magjistrat dhe caktimin në pozicion të kandidatëve për prokurorë, si dhe zhvillimin e karrierës së prokurorëve”, e ndryshuar, me propozim të Komisionit të Vlerësimit të Veprimtarisë Etike dhe Profesionale sipas Relacionit nr. 1949, datë 10.07.2025, Këshilli i Lartë i Prokurorisë,

V E N D O S I:

1. Të vlerësojë të përfunduar procedurën e verifikimit të pasurisë dhe figurës së kandidates për magjistrat prokuror, e cila është diplomuar në Shkollën e Magjistraturës në vitin akademik 2024-2025, znj. Anisa Giu.
2. Lejimin e kandidates Anisa Giu, të vijojë me procedurat e mëtejshme për emërimin e saj si prokuror.

SEKRET

3. Të njoftohet për këtë vendim Shkolla e Magjistraturës dhe znj. Anisa Gju.
4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 16.07.2025.



KRYETAR
Mirela Bogdani

ANËTAR
Sokol Stojani

ANËTAR
Ledina Riza

ANËTAR
Olger Eminaj

ANËTAR
Zeqir Hoda

ANËTAR
Moisi Duda

ANËTAR
Erind Merkuri

ZV/KRYETAR
Erind Gërmenji

ANËTAR
Arta Mandro

ANËTAR
Vatë Staka

ANËTAR
Erion Fejzulla